



1 Eyn gsellen schiff fert yetz do hâr /
 2 Das ist von hantwerks lüten schwâr
 3 Von allen gwerben vnd hantyeren /
 4 Jeder syn gschyrr dût mit jm füren
 5 Keyn hantwerck stat me jnn sym wârdt
 6 Es ist als überleydt / beschwârt
 7 Jeder knecht / meyster werden will
 8 Des sint yetz aller hantwerk vil
 9 Mancher zû meysterschafft sich kert
 10 Der nye des hantwerck hat gelert
 11 Eyner dem andern werckt zû leyd
 12 Vnd tribt sich selbs dick vber die heyd
 13 Das ers wolfeyl erzügen kan
 14 Des muß er oft zûm thor vß gan
 15 Was dyser nit will wolfeyl gån
 16 Do findt man sunst dryg oder zwen
 17 Die meynen das erzügen wol
 18 Dûnt doch nit arbeyt / als man sol
 19 Dann man hyen sudelt yetz all ding
 20 Das man sie geben mögen gering
 21 Do by mag man nit langzyt bliben
 22 Dür kouffen / vnd wolfeyl vertriben
 23 Mancher eym ander macht eyn kouff
 24 Der blibt / so er zûm thor vß loufft
 25 Vff wolfeyl gån / gat yederman
 26 Vnd ist doch gantz keyn werschafft dran
 27 Dann wenig kosten man dran leidt
 28 Vnd würt als vff die yl bereydt
 29 Das es alleyn eyn muster hab
 30 Do mit die hantwerck gont vast ab

h iijj

10 des *GW5046*] das *GW5041 GW5047* **20** mögen *GW5046 GW5047*] mög *GW5041*
23 ander *GW5046 GW5047*] andern *GW5041*

31 M^ogent nit wol ernerer sich
 32 Was du nit d^ust / das d^u doch ich
 33 Vnd leg dar an keyn kost noch wil
 34 Echt ich alleyn m^og machen vil /
 35 Jch selbs / das ich die worheyt sag
 36 Mit disen narren hab vil tag
 37 Vertriben / ee ichs hab erdicht
 38 Noch sint sie nit recht z^u gericht
 39 Jch hett bed^orffft noch lenger tag
 40 Keyn g^ut werck / yl erlyden mag
 41 Der moler der Apelli bracht
 42 Syn tafel / die er bald hat gemacht
 43 Vnd sprach er hett geylt do mit
 44 Fand er jnn bald on antwurt nitt
 45 Er sprach / die arbeyt zeigt wol an
 46 Das du hast wenig flyß gethon
 47 Vnd wunder ist / das du nit vil
 48 Der glych hast gmacht jn kurtzer wil
 49 Keyn arbeyt dett nie g^ut z^ur yl
 50 Den stich es nit wol lyden mag
 51 Zwentzig par sch^u / vff eynen tag
 52 Eyn dutzen t^agen vß bereyten
 53 Vil wercken / vnd vff borg dann beitten
 54 Vertrybt gar manchen oft das lachen
 55 B^oß zymerlüt vil sp^anen machen
 56 Die murer d^unt gern grosse br^uch
 57 Die schnyder d^unt gar witte stich
 58 Do würt die natt gar leittig von
 59 Die trucker jn dem brasß vmb gon
 60 Vff eynen tag / eyn wochen lon

33 wil GW5046 GW5047] wile GW5041 54 manchen GW5046 GW5047] manchem GW5041

61 Verzeren / das ist jr gefert
 62 Jr arbeyt ist doch schwer vnd hert
 63 Mitt trucken / vnd *mit* bossellyeren
 64 Mitt setzen / strichen / corrigieren
 65 Vff tragen / mitt der schwartzen kunst
 66 Varb brennend / jn des füres brunst
 67 Vnd ryben die / vnd vigen spitzen /
 68 Vil sint die lang jnn arbeyt sitzen
 69 Machen doch nit dest besser werck
 70 Das düt / sie sint von affenberck
 71 Vnd hant die kunst nit baß gelert
 72 Mancher jn disem schyff gern fert
 73 Dann es sint vil güt bossen drynn
 74 Die groß arbeit vnd kleynen gwynn
 75 Hant / vnd verzeren das doch licht
 76 Dann jnn ist wol by der wynfücht
 77 Vff künfftigs / hant gar wenig sorg
 78 Wann man alleyn jnn gibt vff borg
 79 Mancher eyn bletschkouff machen kan
 80 Do er nit vil gewinnet an /
 81 Man kan yetz nüt verkouffen me
 82 Man hab dann gott geschworen ee
 83 Vnd so man lang schwört / jn vnd vß
 84 So wurt eyn vischerschlag dann druß
 85 Do by merckt man das all diß welt
 86 Sich vast des köllschen böttchen helt
 87 Dat halffab / ist yetz vast der schlagk
 88 Berott dich gott / bricht keym den sack
 89 Die hantwerck faren all do hår
 90 Noch sint vil schifflin halber lår

63 mit] fehlt GW5041 GW5046 GW5047 80 er GW5046 GW5047] er er GW5041